
ФАРҒОНА ВА АРХАНГЕЛЬСК ЎРТАСИДА ИЛМИЙ ВА ТАЪЛИМ СОҲАСИДА ҲАМКОРЛИК ЙЎЛГА ҚЎЙИЛДИ

Фарғона вилояти Педагогларни янги методикаларга ўргатиш миллий маркази ҳамда Россиянинг Архангельск шаҳридаги Шимолий (Арктика) федерал университети (ШАФУ) ўртасида ҳамкорлик йўлга қўйилди.

Архангельскда бўлиб ўтган халқаро конференция доирасида вилоят Педагогларни янги методикаларга ўргатиш миллий маркази ҳамда Шимолий (Арктика) федерал университети ўртасида ўзаро англашув меморандуми имзоланди. Меморандумни вилоят Педагогик маркази раҳбари Феруза Соҳибова ва ШАФУ университети ректори Елена Кудряшова имзоладилар.

Ҳамкорликда ШАФУ таълим дастурлари доирасида педагогика, психология, ижтимоий иш, махсус (дефектологик) таълим каби йўналишлар бўйича қуйидагича тадбирлар ташкил этилади:

- Фарғона вилояти Педагогларни янги методикаларга ўргатиш миллий маркази ходимлари учун амалиёт;
- Фарғона вилояти ўқитувчилари учун маҳорат дарслари ва семинарлар;
- касбий фаолият мактаб ўқувчилари учун йўл-йўриқ платформалари.

Жорий йил сентябрь ойида Ломоносов номидаги Шимолий (Арктика) федерал университети делегацияси Фарғона вилоятидаги таълим муассасалари билан илмий ва таълим соҳасида ҳамкорликни йўлга қўйиш мақсадида вилоятга ташриф буюрган эди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-11-21 18:41:31